

# DEO OPTIMO MAXIMO UNI ET TRINO.

VIRGINI DEI-PARÆ, ET S. LUCEÆ,

Orthodoxorum Medicorum Patrono.

## QUÆSTIO MEDICO-CHIRURGICA

QUOD LIBETARIIS DISPUTATIONIBUS

manè discutienda in Scholis Medicorum, die Jovis nonâ mensis Aprilis,

anno Domini M. DCC. LXXVIII.

M. JOANNE-FRANCISCO-JACOBO ROUSSILLE

DE CHAMSERU, è Regiâ Societate Medicâ Parisiensi pro

Epidemiis institutâ, Doctore Medico, Præside.

*An in usu Vesicantium Cautelæ tùm Medicæ tùm Chirurgicæ?*

### I.



ULTIS in morbis, materies corpus inficiens, naturæ viribus in aliquam partem ignobiliorem amandari solet; undè stases criticæ, tumores vari generis, phlegmonodei, erysipelacei, pustulosi, miliæres, petechiales, purulenti. At sæpè debilis Natura conatus salubres nequit exercere, nec in externas partes semper ablegat virus, sed aut defessa, aut oppressa, aut variè conturbata illud finit internis in partibus decumbere lethaliter. Sæpè etiam ubi intus crucians vagæ materies ex unâ parte in alteram fugit partemque principem occupat, utile esset ipsam ad exteriora verti; verùm inutilis actio naturæ luditur. Ars igitur naturæ succurrat. Quod nequit hæc sola perficere, confociatis viribus ambo feliciùs exequentur. Inter cætera quæ ad hunc usum commendata fuere auxilia, scarificationes, cucurbitas, phœnigmos, sinapismos, vesicantia, setacæ, ustiones, multa obsoleverunt quæ sæpiùs forsitan adhuc-dùm proficerent. Frequentiorem usum & vim maximè efficacem obrinere vesicantia. Sed eorum adhibitio summam requirit sedulitatem summamque peritiam. Ea est enî optimarum rerum conditio, ut pro sapienti vel incauto usu, præ aliis noceant aut prosint. Cùm autem ad feliciorum exitum in morbis curandis, non conducatur nimis methodica & tempestiva vesicantium adhibitio, quàm applicatorum apta deligatio, æquè Medici & Chirurgi curam attentam reposcunt. Cuius sedulitatis patebit magis necessitas, ipsâ vesicantium agendi ratione mox adumbratâ. Cautelas deindè tùm in usu illorum medico, tùm in applicatione medicationeque chirurgicâ observandas, sigillatim proponemus.

### II.

VESICATORIA dicuntur quæcunque cuti applicata, principio acri quo pollent eam inflammant, & simul in ipsâ efformant sero turgentibus vesiculas. Præter liquores igne fervidos & valdè exalefacta corpora, in vesicantium numerum recensentur plures substantiæ. At tali nomine jure non insigniuntur omnes. Quædam enî phœnigmi tantùm vices gerunt,

A

aliæ vividum absque ampullâ efformant erysipelas; aliæ instar mineralium, vi escharoticâ se produnt. Præcipuam vini possident Cantharides & alia quedam ex genere scarabæorum. Sed turius, felicius, commodius longè aliis agunt cantharides, ipsasque commendat usus frequentior. Non solæ autem adhibentur, sed linimento, emplastro, vel cataplasmati, variâ dosi commixtæ, pro indicationibus diversis. Nec quidquam ad omnia magis accommodatum videtur quàm emplastrum epispasticum (1) in Codice Parisiensis exaratum. 1°. enim viciosis multum in se recipit extemporanea topicorum præparatio cum fermento & cantharidibus; namque adhibentur sæpius malè tritæ, antiquius contuse, non semper eadem vi pollutentes & non raro absquè ullâ ponderis determinatione. Aliundè expedit ubique uniformem esse remediî tam gravis confectionem. 2°. nihil cum pharmaceuticis (2) chymicisque indicationibus convenit melius quàm Medicorum Parisiensium formula. 3°. nec nimis iners nec adurens nimis topicum illud, moderatâ pollet efficacità & facillè pro utu moderandâ; namque ad arbitrium medentis, modò simplicis phœnigmi modò genuini vesicantis, modò lenis escharotici vices implere valet; sicque aptè contemperatum omni ætati, sexui, temperamento convenit. 4°. Demum ejus excellentia comprobatur usu diutino, vulgatissimo & felicissimo.

Ubiunque applicata fuerint lata epispastica, multa observantur: incalescit, rubescit cutis, sensim augetur calor, miliares vesiculæ assurgunt; accedunt dolor, iniquis, per vigiliam; oritur febricula; intenditur, si jam adsit, febris; è lecto emanat gravis odor, qualem ferunt in nativis regionibus, præcedere examina volantia cantharidum. Decem ferè elapsis horis, augentur omnia, junctis vesiculis formata est ampulla major fœta sero flavescente, vero humore lymphatico & coagulabili. Hucusque ferri dolor potuit; excisâ autem ampullâ, ubi primum nudatur cutis, ecce oritur cruciatus ingens, quasi carbo ignitus ipsam attingeret. Sæpè anima deficit præ dolore; sed sensim minuitur calor ille, & post unam alteramve horam quiescit æger. Proximâ deligatione, aëris contactu vix afficitur cutis, jam minus inflammata, leni pure madens, adeoque ab exterioribus quasi defensa.

His facillè intelligitur vesicantium effectus & agendi ratio; hæc enim ab irritatione pendet, ab evacuatione, à salibus cantharidum intrus reorptis. Ob cutim valdè irritatam, lymphæ vasis exprimitur, disruptis cuticulæ frænullis colligitur; immutat sensationum ordo; qui intus urgebat, extus advocatur dolor; restituantur functiones, expedituntur partes vitæ necessariae. Est & evacuationi non mediocris utilitas, dum revellit ab internis partibus nocivum humorem & derivat ad cutem ubi minus adest discriminis. Reorptis tandem cantharidum principii subtilioribus, planum est viscidis spissatove humores attenuari, citius moveri, febrem oriri, sopitos sensus erigi. Notatur præsertim horum actio quasi specifica in ductus urinarios; ergò inter heroica remedia facillè annumerantur cantharides, undè plures necessariò admittunt cautelas.

## III.

**M**ULTA igitur Medicus habet mente versanda, multa meditanda in adhibitione vesicantium. Quid enim sibi velint morbi causæ, indoles, tempora; quid aëris constitutio; quid ægri ætas, sexus, temperies, ea omnia considerare attentè debet, deindè quinam optandus vesicanti locus; quodnam præ cæteris eligendum topicum; quânam correctione istud indigeat; quæ sit statuenda effluviî duratio, singula sedulò perpendenda sunt.

Non una scilicet admittenda est methodus in diversis febrium & inflammationum speciebus, non una in malis rheumaticæ & arthriticæ indolis; prudens consilium requirit hydropicus tumor; non indiscriminatim habendi sunt omnes capitis morbi, aliterque agendum est, si causam humoralem agnoscat malum quoddam, aut à merè spasmodicâ sensuum ac motuum perturbatione oriatur. Singulis hisce in casibus prosequamur vesicantium utilitatem.

(1) Conficitur ex Canthar. ꝑ iv. Euphorb. pulver. ꝑ iv. Pice Burgund. Terebinth. aa. ꝑ vj. Ceræ flavæ ꝑ ij.

(2) Siotamen paratum, assatè mollescit nimis; quod præcaveat retrahendo ex Terebinthinâ, drachmas iv., quævis Cerâ & Pice rependendas.

Multoties quidem in febribus putridis, malignis, exanthematicis, pestilentialibus juvère applicata furis vesicantia. Sed si quid inflammatorii valdè exagitet sanguinem; si turgat plethora aut primas inciat vias saburra putrescens, ea prius correxisse necesse est. Neque, malâ sedulitate, prius applicandæ sunt cantharides, quàm se se obtulerit indicatio capitive immincat virus. Idcò plurimis exitio fuit, aut saltem ærumnis longioribus locum dedit præmatura vesicantis applicatio ineuntibus variolis (1), morbillisve, ut servetur ab irrupturo forsan contagio caput. Exasperatus enim furit morbus, qui tali auxilio melius debellaretur, si languescente eruptione vel retropulsis exanthematicis id fieret tantum, aut ubi malis reliquiis inusta chronica labe subsisteret.

Idem auxilii genus in spuriis pleuræ, pulmonum, faucium, oculorum inflammationibus prosperè usurpatur, præsertim apud phlegmaticos, catarrhosos, senes. Si verò inflammatio sit exquisitè sanguinea & acerrima, cantharidibus uti piaculum est. Sæpè quoque sub pleuritidis larvâ, speciosis symptomatibus se produnt mentitæ inflammationes, quas pariunt saburra, flatus, aut non adcò graves dolores rheumatici. In his, cantharidum applicatio si non omninò nociva, saltem inutilis est & omninò rejicienda.

Nonnunquàm ab interioribus erui & utiliter ad exteriora verti possunt, ope vesicantium, dolores intus sævient s rheumaticæ aut arthriticæ indolis. At tali auxilio ne fidas nimium; fieri enim potest, ut causa horum prior sit malefica lues; syphilis, scrophulosa, rachitica, scorbutica. Quid boni feret adve sus molem humorum coinquinatam totam, per cutis exulceratæ superficiem angustam, evacuatio levis? Quantò magis illis dissidendum in asthma nervoso tuberculoso, purulento; in tabe; in renum obstructione & ulcere, lumbaginem mentientibus!

Gangrænâ metuunt practici ferè omnes ex usu cantharidum in hydropico œdemate, meliora sperantes ab internâ tonicorum roborantium incidentium actione. Vidimus quoque multoties hydropicos quibus casu aut arte concitatæ vesiculæ in furis intumuerunt, nunquàm sanatos fuisse. Præterea cantharidum vis diuretica, tincturæ anglicæ (2) usu feliciùs potest obtineri; & si evacuationibus per curam fidendi sit locus, simplici exulceratione præpollent alex scarificationes. Nocet igitur plus quàm prodest hydropicis, applicatio vesicantium. In hydropo tamen speciali, ut hydrocephalo, hydrophthalmiâ, &c. ea prorsus damnanda non volumus; quod novæ indagati adhuc subijciendum.

Profunt generatim vesicantia, ubi errat intus vagus humor, sive ipsum repressa exanthemata, sive effluvia cohibita, suppressæque evacuationes præcesserint. At simili symptomatum specie decipiunt spasmodici affectus qui causam humoralem nesciunt, amatoria febris; nostalgia, &c. hîdem se produnt effectibus exhaustæ pollutionibus vires, corpus omni labore defessum extenuatumque; exsuccum inedia & vigiliis. Cave hîc in casibus ne acres stimulos injicias; neque interim spernendus, salubriter sen us occupans ac resiciens, quamvis sub mortis imagine naturam gravare videatur, sopor.

Varia inter capitis & systematis nervosi affectiones idem distinguendum est. Pertinaces nempe cephalæas vesicante applicato & diutinâ ulceris suppuratione, radiceis sanatas fuisse memorant nonnullæ observationes. Si verò hæreditarius sit talis morbus, annosus, biliosum, nervosum, hypochondriacum corpus diu ac sæpius exerceans, patet cantharidibus; usque recurrentem naturam frustrâ furcâ expelles. Quoad nervosas affectiones, delirium, convulsionem, comâ & paralyfim; his duobus sæpius admittuntur, illis excluduntur sæpius vesicatoria. Posteriores enim ab atoniâ, pressione, infarctu originem ducunt; priores verò gignit maximè inflammatio vel erethismus. Notandum tamen est, inveterascente paralyfi, nullam habendam spem à cantharidibus, nullam in comate quod

(1) Vide Thesim M. GERVAISE, de Variolis, propugnat. annis 1772 & 1777.

(2) Paratur ex Cantharid. contus. drachm. ij. Coccinellæ drachm. ß. Spirit. vini rectif. 3 xxiv. M. digerantur. Pharmac. Lond. ann. 1747. pag. 93.

4  
magnas capitis læsiones excipit. Has quinimò BAGLIVI statuit tunc temporis esse exitiosas. Quod autem delirium spectat, observatum est à Domino EBENEZER GILCRIST (3), de Febre epidemicâ quam *nervosam* vocat, differente, illo instante proficuè applicari vesicatoria; ubi verò prorsus invaluit, infelici cantharidum auxilio potius intendi symptomata.

Igitur non ubique indiscriminatim, quasi innoxium semper, debet admitti remedium tam potens. Nec tantum excludendum est, quando noxium creditur, sed & quando inutile. Non enim dissimanda sunt artis auxilia, neque ægri doloribus non parcendum. Quid prodesset poterunt, v. g. advefus maturam cataractam, annosam surditatem, tullim inveteratam, in scorbuto, in summo cachexiæ gradu, vel quando de ægro penè conclamatum est, post febrem hæclicam excedentem?

Non morborum omnibus stadiis applicanda sunt vesicatoria; in apoplecticis, paralyticis, in metastaticis maximè affectibus, quam primum; in febrilibus, inflammatoriis, spasmodicis, frius & quando evasit mollior laxiorque fibra. In chronicis demum minimè instituitur hæc operatio, nisi præmissis, ut par est, generalibus, remissioris commodiorisque usus, remediis.

Cælum quoque interrogandum est. Ex observariis (4) constat, æstivo anni proximè elapsi, nimium licco tempore, malè se habuisse fonticulos ulceraque à vesicatoriis, quorum plura gangrænâ siccâ correpta fuerunt. Idem quandoque se prodit in nosocomiis, magnis præsertim & ingenti ægrorum numero refertis, aëre non perfatis, neque assiduè repurgatis. Itaque medicus, antè exulcerandam cutim, his debet attendere; neque urente siccio vel sævientie boreâ tam faciliè admittenda est ea praxis, quam siccio & remissiori tempore.

Ætati præterea, sexui, temperamento consulendum. Latoria, acriora, numero plurâ vesicantia ferre valent rob. sti athletæ, quam pueri & tenellæ mulieres. In istis præcipue distinguendum est, an ab humore oriatur vis morbi, vel à sensu nimis acuto. Humidæ, crassæ, obessæ constitutiones illis melius habebuntur, quam sanguinæ, biliosæ, siccæ. Tabidis & macilentis sumimè nocent. Prægnanti lactantive inuri fonticulos verat natura succos aliàs respiciens; undè qui antè vigeabant, hisce temporibus vulgò exarescunt.

Nunc immediatè ad partem affectam, nunc eminè debent applicari. Prius, quando subigendus est humor viscidus, ut in contumaci cephalalgia, in spuria pleuritide, in asthmate, catarrho cum difficili exspuitione, in alto & acro rheumatismo. Posterius locum obtinet, ubi faciliè movendus est humor, revulsioque à parte principe necessaria est, vel derivatio in alteram. Satiùs multis videtur frequentata crisi bus loca eligere, parotides, cervicem, crura, &c. *Ab angina detento, securius est tumorem & ruborem ad exteriora verti* (5). Hâc sententiâ ducti quidam, sub auribus vesicantia applicant, in anginosi. Idem in pleuritis aut peripneumonici, volunt suris imponi cantharides, duce adhuc Hippocrate (6), *in periculosis pulmonum inflammationibus, abscessus ad crura omnes sanè utiles*. Hinc & in malignis febribus, parotides, alas, inguina multi potius eligunt. Castrensis quidam (7) percellens medicus, ubi, sectis pluries è militari epidemia defunctorum cadaveribus, vidit lienem semper corruptum & colliquatum inveniri, maturè deinceps latum vesicans hypochondrio lævo applicari voluit; quo factò, plures convaluere. Tibiis rariùs applicantur apud par-

(3) Essais & Observ. de Médecine d'Edimbourg, Tom. IV. pag. 461.

(4) Debemus hanc Observationem M<sup>o</sup>. DESSESSARTZ, laborum nostrorum modera:ori dilectissimo. Refert: pariter Baglivi (Dissert. de usu & abusu vesicant. Cap. II.) Romæ & Bononiæ, anno 1992, ulcera leviora, ob causam citò Gangrænâ correpta fuisse, plurimosque iidem à gangrænâ vesicantium perisse.

(5) Prognostic, Sect. III. §. xx.

(6) Ibid. Sect. II. §. LXVII.

(7) M. DEVILLIERS, Médecine Prat. de Londres, Ouvrage traduit de l'Anglois & enrichi d'excellentes Remarques, vol. in-8<sup>o</sup>. 1778. pag. 234. Vide Notam.

valos, ob earum tenuitatem; ob gangræne siccae timorem, apud seniores, sed potius femoribus, quæ crassiora sunt & calidiora.

Id opere pretium est varia vesicantia elegisse. Præstat enim emplastro cataplasma (8) vesicæ sive a cucumem efformandam, sive ad membrum involvendum. Sinapismi vices gerit unguentum utrumque (9) epispasticum Cod. Parisiensis. Emplastrum epispasticum, formâ globuli, in centro tumoris maturandi apponi potest, in cauterii vicem: idem ad nummi latitudinem, temporibus, post aures aut ad radicem musculi deltoïdis quotidie applicatur, ad fonticulum plantæ, ut aiunt, efformandum: usui Mezeræi præstat illa melioris minus dolorifica; minoraque trahit secum incommoda, quam ipsum cauterium.

Igitur modò latum, modò parvum indicatur vesicans; modò unum, modò plura; modò acri pulvere suffundi debet, ut citius agat vividiusque; modò raro aspergi vel nullo. Plura quoque nunc simul, nunc successivè applicanda, prout vel multam vim & impetum, vel leviores, sed crebrius repetitos ictus, morbi ægrive conditio exoptular.

Hæbetandum est interim principium acre cantharidum, ne viis urinariis & sæpè aliis, labem inferat. Huc spectat usus internus lenientium, ut sunt serum lactis, emulsiones, iuscula, oleosa, mucilaginea, acetosa, nitrosa. Intus etiam præscribi potest ac simul ipsi topico addi, Camphora, vi specificâ ejus acrimoniam cicurans, juxta peritissimorum opinionem.

Non semper promovenda est suppuratio in vesicatoriis. Medicum regat indicatio & sua speciatim quæque experientia. Naturæ etiam obtemperandum, quæ nunc favet, nunc reluctat illi actioni. Sæpè numerò sufficit vivida commotio ex primâ applicatione. In febribus autem continuis, non idem est; foveri tunc debet suppuratio & diu promoveri. Citius siccatorum tristes effectus passim memorantur (10). Unde liquet in deliccandis vesicatoriis non minorem cautelam requiri, quam in præscribendâ regendâque illorum adhibitione.

## I V.

EST etiam chirurgicis curis non minima laus. Topici comparandi ratio, applicandi modus, eximendi occasio, ulceris tractatio, curatio accidentium multam exposcunt sagacitatem & diligentiam.

Cantharidum pulvis quo utuntur chirurgi, tenuissimus sit, recens paratus, ex insectis integris, non corruptis. In centro alutæ extendatur æqualiter epispasticum, ad duarum linearum crassitiem, pro majori, & semi-lineæ, pro minori emplastri latitudine; addatur pulvis cantharidum, si actio cita & vehemens requiratur, si dura fuerit ulceranda cutis aut vires exsuscitandæ. Cutis mollior, sensilior (quod puerorum est & muliercularum) & cutis humida hunc reprobatur, vel pauciorum admittit.

Ut ritè applicetur vesicatorium, 1°. eligenda est hora. Matutinis porò id fiet potius quam seroquinis, ne, dolore excitato, paroxysmi intendatur gradus vel nocturna turbetur quies: 2°. eligendus est locus ab omni pressione liber, varicibus carens, torosus, textu adiposo refertus, morbo indicatus, effluviis naturalibus magis assuetus: 3°. locus ille, diversè præparandus est; scilicet quando præ ardore febris totum aridum est corpus, balneum universale aut topicum saltem, præmitti potest, vel mucilaginosi cataplasmatibus pars aliquamdiu fovenda. In apoplexiâ, recente paralyti, lethargo, asphyxiâ, non abs re esset cucurbitam siccam loco electo prius applicare ut statim affluat multus humor, citiorque ac validior attrahentium effectus eliciatur: 4°. demùm ex praxi vulgarissimâ, calidâ abluatur cutis; pili, si adsint, abraduntur; cum linteolis aceto imbutis pars leviter fricatur, ad le-

(8) Aliud ex ung. Basilici & Cantharid. aa. p. a. cum ung. Populci part. ij. Aliud verò ex Sinapi 3 ss: Staphidifragiæ, Piperis longi, Pyrethræ, aa. drach. j. Euphorb. gr. xv, omnibus pulveratis, dein ritè commixtis, cum ung. Basilici 3 ij. Terebinthin. f. q. ut F. Unguentum.

(9) Fit Cataplasma ex Ferment. acerrimi part. v, cum Cantharid. part. j. optimè commixtia.

(10) Journal de Médecine, Décembre 1760.



vem usque rubedinem; emplastrum dein apponitur; splenis obiectum firmatur fasciæ circumductu, non laxiori, ne dimoveantur cætera, non strictiori, ne torpescat membrum aut pressa dissiluat emplastri materies. Cum autem effectus vesicatorii diversis excurat temporis intervallo, pro cutis textu sensuque vario, pro ægri viribus, pro dosi cantharidum, idcirco varia datur ejus eximendi occasio. Attamen tota illius actio sextam inter & duodecimam ferme horam vulgò absoluta est. Porro mutatio apparatus præceptis non caret. Si ocyus instituitur, hærente aliquatenus epidermide, nondum efformata est ampulla, adiunt tantum distinctæ quædam vesiculæ, longior & magis dolorifica est horum excisio, suppuratio difficilior. Si seriùs, separantur quoque præter cuticulam, nonnullæ corii ipsius lamellæ, undè major dolorum vis & diuturnitas. Ne peccet in utramvis partem chirurgus, post sex octove horas sub emplastro inspiciat, statimque idem reponet si planè efformata non fuerit ampulla; conjiciet faciliè ex rei statu quamdiù adhuc expectandum sit, ut opportuna deligatione vitet utrumque periculum. At neglectu quodam vel omissione diutius applicatum remansit vesicans & exfoliata est cutis; tunc mobiliores tantum excidentur lamellæ, unde cum epidermide cæterarum avulsio si suppurationis opus, aut procrastinetur saltem ad cæteras ulque deligationes.

Ubi primos atmospheræ contactus subiit curis, nec mora, betæ obducatur vel brassicæ foliis, per contusionem levem quamdam mollioribus & levioribus factis, butyro inunctis, vel adipe, vel unguento de *althæa* nuncupato. Ægro dolore parant qui pro foliis linteo utuntur; mox enim arcenti corio sic coherescit, ut vix eximi possit vixque instituat optata suppuratio. Ipsa folia non raro itidem siccantur in summo ardore cutis. Sæpè etiam à sede suâ faciliè se dimoveant, isdem malis ansam præbent. Adversus hæc incommoda, simplex cautela se offert. Tota unguento fusco illitâ leviter, prius topicum obducere prodest, vitè deligare, tandem cavere ab ipso agrotante ne manus nocentes super apparatus inferat artisque operam disturbet.

Curatio vulnecris non minores secum infert cautelas, quam vesicatoris applicatio. Si suppuratio excitanda non fuerit, continuato tantum butyri usu, vel cerato in ejus locum adhibito, brevè siccatum erit vulnus. Hanc si necessariam existimes, bis in die deligandum, maxime si affatim exundet humor; variis topicis digerentibus tunc opus erit. Unguento de *althæa* cum basilici p. æ. mixto faustè uteris plerumque; si ob erethismum & phlogosim non suppuret, ultimi dosim imminuas; si ob energiæ defectum, *animetur*, ut aiunt, unguentum, addendo pro semi-unciâ, pulveris cantharidum tenuissimi, grana iv, vj, viij, raro xij. A minori dosi ad majorem pergas: non verò inspergatur pulvis ille supra topicum mox applicandum; sed priùs cum eo probè immisceatur; alioquin sæpè incredibilis, sed prorsus inutilis sive in parte, sive in vesicæ collo exoritur dolor, morbiq; ipsius fortan augetur intensitas.

Perfentis cantharidum stimulis, non idcirco prorsus ab ærumnis vacat aggrerans. Vel enim difficilis suppuratio resistit suppurantium energiæ; vel pessimi dolores obident partem ulceratam; vel serpit putris gangrena exedens carnes, vel sanguinolenta excretio cicatrici nectit moras.

Nempè invitis curis si pelliculâ spontè obducatur & sanescat vulnus, negatam naturâ evacuationem, per acrium majorem dosim, tentare incautum; sequuntur enim mala haud spernenda. Nil urgendum; expectanda fibrarum major laxatio; tunc alibi applicatum, si morbus adhuc quæsierit, novum epistapticum succedet felicitus, magis coniores & cooperante naturâ. A materie morbificâ vulnus impetente nonnumquam oritur atrox & improvisus dolor, quo rubescit plurimum, statimque exarescit. Is rheumatici vel arthritici humoris vulgarior observatur effectus. Similis mihi obigit casus. Dolores intus atuciantes ex voto sustulerat prima ampullæ elevatio; per biduum lenis & moderata suppuratio optimè cesserat; ecce corripitur vulnus dolore atrocissimo. Pro stimulante quod tunc aderat, topico, substituta fuit beta butyro inuncta. Auscultum fuit tamen, nondum blandiretur malum, ut malè speraveram. Cataplasmati anodyno cessit statim. Ast crassina die admoto iterum ad fovendam suppurationem, recenti butyro, recruidit do-

tor quem brevi sedavit idem cataplasma. Ideo servandi effluviū consilium abjiciendum fuit; oportuitque vesicatorio inceptam curationem, medicinā internā proseguī.

Si unquam attentum ac solertem chirurgum requirat cura vesicantium, id certē contingit in febris putridis, malignis, pestilentialibus. Si morbus non adeo sit gravis, nec nimium arida cutis, spontanea est suppuratio nec curatio difficilis. Si gravior fuerit & stipata ingenti erythysmo, primò lentè agit in urentem & exsuccam cutim, epispasticum; livescit deinde vulnus, nigrescit, excavatur, gemmis horrescit pus famotum exsulantibus, paucum, vel nullum. Hic gangraenae siccae indicium est. At ubi, praegressā coctione, laxatis fibris, per hiantes poros, quā data porta, ruat inimicus humor, in colloquationem abeunt carnes & putrescenti undequaque distillant tabo; quod gangraenam humidam demonstrat.

Digestivum ē terebinthinā, ovi vitello & oleo de hyperico probè commixtis, confectum, & cerato refrigerante aptè contemperatum, in priori & simpliciori casu sufficit. In altero, furas aquae tepidae identidem immergere, nisi balnea integra praerantur, opportunum ducimus. Cum kinā decocto camphorato vulnus dein fovere; plenius eo imbutis & crebro imbuendis, illud obtegere necesse est. Nec idē arcemus pinguius quibus etiam prosperè utuntur quidam, unguentum Arcei, digestivum simplex cum theriacā; ung<sup>m</sup> de styrace, aquā vitæ camphorata dilutum, &c. Diversa in usum venient pro indicationibus diversis: cæterum suā quisque agat ductus experientiā. Non rarius in praxi obviam venit ultimus casus. Tunc sensus in ulcere est acutissimus; igitur molliori apparatu debet obtegi leviusque deligari. Servetur ab aëris contactu diutino; his tamen in die immutetur apparatus. Sic autem instituetur curatio: nudato ulcere, decocto anti-septico ablatur, mundetur; kinā pulverato conspergatur statim; applicetur linamentum molle siccum aut digestivo quodam aromatico illitum, fiantque cætera ex artis legibus ad graviorum ulcerum curationem.

Non leve interim chirurgi negotium facessit cruoris excretio per cutem exulceratam: à venarum subcutanearum erosionē pendere id videtur; nec levior hujus causa habenda est cachexia ad scorbuticam accedens quæ, post curatam putrido-malignam febrem aliquanditū adhuc viget. Istius mali curationem morantur victus plenior, vini usus, deambulatio; his igitur consulendum. Adhibeatur interim fons sublipticus ex aquā calcis decocto antiseptico unitā. Antiscorbutica etiam intus sumenda. Coniunctis sic utriusque medicinae viribus donatur malum reditque sanitas. Mutuum igitur medici & chirurgi praesidium invocat, ut morborum ferè omnium therapeia, sic fausta & tuta medicamentorum, vesicatoriorum praesertim, adhibitio.

## V.

EST ne eadem vis & efficacia in cantharidibus variarum regionum? Eadem in cunctis infecti partibus? Eadem pulveris recens aut antiquitus parati? Quale est principium subtile vesicans, quo pollent? Quo pacto ductus urinarios speciatim afficit? Qualis ejus actio in sanguinem & humores? Numquid chymica experimenta conferre valent ad illam determinandam? . . . . His & aliis id genus enodandis, non immorabimur. Agenda egimus; incumbit nunc probandum utilem nos navasse operam praecepta practica. exarando in usu cantharidum servanda.

Nil magis confessum quàm nostra haec cautelarum, in usu medicamentorum saltem heroicorum, necessitas. Fateor. At recoquunt crambem auctores ferè cuncti; praeter generalia quaedam & breviora quidem, circa indicantia & contra-indicantia, nil legitur variis aptandum casibus, etiam apud illos qui scripserunt ex professo de vesicatoriis aut cantharidibus (1). Immenfam rerum, temporum, morborum, individuorum varietatem

(1) Multi scilicet fusè differuerunt de variis circumstantiis quibus applicanda sunt vesicantia. Nullum autem noverim qui de cautelis speciatim egerit, praeter CHRISTIANUM-GOTTFRIED STENTZEL, de externo cantharidum usu, imprudentium prudentiumque alylo Medicorum, Wittemberg. 1743.

vix respiciunt. Non defunt præterea, abſt medicos dicam, ſed medicaſtros, qui divinaſ velticatoriorum efficaciam confidentes nimitum, his indifferinatim utuntur, potiùs, abutuntur, in quolibet paululum gravi affectione. Non niſi mortis ad acceſſum proponerantur olim veſicatoria; quod forè idem erat ac iudicium capitis pronunciare; hodiè, quovis morbi tempore, applicare non timent imperiti; ſed graves ſæpè inſequentur noxæ. Sic ducit in vitium culpæ fuga, ſi caret arte.

Nec minus proderat chirurgicam praxim paucis delibare; juniorum enim parùm expertis manibus commiſſum quaſi leve & vile id munus, prorsus fere omittitur à Magiſtris. Hinc ominoſos tot errores quotidie lugent Clinici. Id ruri præſertim videre eſt & in magnis oppidorum caſtrorumque noſocomiis, ubi Primarii Chirurgi oculis conſilioque non regitur Alumnus. Ad optandam horam minimè attenditur; locorum (2) diſcrimen vix admittitur; ignorantur præparationes; una & eadem ſternitur ſemper curationis via. Hinc morborum improſpera curatio; hinc peſſimæ ulcerationum mutationes; hinc triſte in portu naufragium.

Arguent forſan haud pauci perfectè impletum fuiſſe noſtrum id munus. Non imus inſicias; at pro ſua quique agit Minervâ; meliora nos precamur. Ex his quas propoſuimus cautelas, quædam generaliores videbuntur; ſed tales permittit imò jubet inſtituti ratio. Quædam minus ſpecialiter proponi debuiffent; ſed clariffimorum in rebus medicis virorum ſcrutinio has ſubjicimus, ut eas moderentur pro ſua cujuſque experientiâ. Minutiora tandem invenient, præſertim in chirurgico programme; ſed minorum omiſſio grandium ſæpè noxarum cauſa; aliundè, ubi in tenui labor, non tenuis ſemper utilitas, nec deturpat vultum omnis nævus. His diſcuſſis nabibus inconcuſſa viget propoſitio noſtra. Obſervationis & experientiæ fetus, non verò imaginationis commenta ſunt præcepta hæc quæ mox tradidimus. His patet, ne ſuo unquam effectu defraudentur, tam inſigne remedium, veſicantia, horum in uſu, ſua Medico ſuaque Chirurgo ſedulò implenda eſſe munia.

*Ergo in uſu Veſicantium Cautela tum Medicæ tum Chirurgicæ.*

(2) Sic quidam veſicantia ponè ſuras non rarè applicarunt; quo decubitus in lecto ob continuam preſſionem, valde arduoſus fuit, nec-non deligatio, tum medicanti tum ægrotanti valdè inconmoda.

## DOMINI DOCTORES DISPUTATURI

M. Henricus RAIMOND, Regis exercitiùm in Inſulâ Corſicâ Medicus.

M. Carolus-Nicolaus D'ESLON, Sereniſſimi Comitis atrebatum Medicus ordinarius.

M. Antonius-Joannes-Baptiſta-Maclovius GUENET, Chirurgiæ Gallico idiomate Profeſſor, à Regiâ Societate Medicâ Pariſienſi pro Epidemiis inſtituta.

M. Paulus-Gabriel LE PREUX, utriuſque Pharmacia Profeſſor designatus.

M. Ludovicus-Claudius GUILBERT, à Societate Medicâ Edimburgenſi, antiquus Regis exercitiùm Medicus ordinarius.

M. Edmundus Claudius BOURRU, Chirurgiæ Gallico, idiomate Profeſſor designatus.

M. Paſchſus BORIE.

M. Franciſcus BIDAULT.

M. Joannes-Claudius MUNIER, Conſultarius Medicus Regis ordinarius & Domus Regiæ Invaſidorum.

Proponerat Pariſius MICHAEL-FRANCISCUS DE LA PLANCHE, Pariſinus, Saluberrimæ Facultatis Medicinæ Pariſienſis Baccalaureus, Theſeos Auctor.

A. R. S. H. 1778. A SIXTA AD MERIDIEM.

Typis QUILLAV, Univerſitatis & Facultatis Medicinæ Typographi, 1778.